



BILTEN UDRUŽENJA GRAĐANA TUZAMK TUZLA



Tuzla, april 2017. # 2

21. CIKLUS SAOBRAĆAJNO OBRAZOVNIH TAKMIČENJA 2017

Gradačac - OŠ "Muhamed Kreševljaković" Kamberi

Ovogodišnji domaćin saobraćajno obrazovnog takmičenja za opština Gradačac bila je OŠ "Hamdija Kreševljaković" u Kamberima. Takmičenje je okupilo takmičare iz svih sedam gradačkih škola sa punim brojem takmičara u ekipama, tako da su van konkurenčije nastupila i četiri takmičara i četiri takmičarke. Za dalji tok takmičenja plasirala su se tri dječaka i tri djevojčice što je imajući u vidu dosadašnje rezultate sa područja ove opštine

skroman rezultat. U prvom redu jer smo navikli u toku proteklih nekoliko sezona na veći broj plasiranih na kantonalno takmičenje. Prvo mjestu među djevojčicama zauzela je **Elmina Hanić**, dok je druga bila **Lejla Sendić** obje iz OŠ Safvet beg Bašagić. Treće mjesto pripalo je **Lini Mehić** iz OŠ Ivan Goran Kovačić. Sve tri takmičarke plasirale su se na kantonalno takmičenje s tim što treba napomenuti da je Elmina Hanić osvojila maksimalnih sto poena i



jedini je takmičar koji je osvojio ovaj broj poena u obje konkurenkcije. U konkurenkciji dječaka najbolji je bio **Selmir Kadić** iz OŠ Safvet beg Bašagić sa osvojenih 93 poena, a slijede **Ajdin Okanović i Danis Sarvan** obojica iz OŠ Ivan Goran Kovačić. Najbolja škola sa 538 poena je **OŠ Ivan Goran Kovačić**, slijede OŠ Safvet beg Bašagić sa 524 i treće mjesto OŠ Hasan Kikić sa 465 poena. Ukupno gledano postig-

nuti rezultati su slabiji nego prošlih godina, jer je vidljivo da najbolja ekipa je osvojila manje od 85% mogućih bodova. Posebno je indikativno da je samo jedna takmičarka osvojila maksimalan broj bodova, te da je samo šest takmičara u obje konkurenkcije osvojilo više od 90% bodova. Na kraju na sveukupnoj organizaciji i tradicionalnom gostoprimstvu treba pohvaliti školu domaćina.



Živinice - OŠ Đurđevik

Već duži niz godina domaćin saobraćajno obrazovnog takmičenja za opština Živinice je osnovna škola u Đurđeviku, koja uistinu ima i najbolje uslove za odvijanje ove vrste takmičenja. Kao i proteklih godina, dobar domaćin i pogodno vrijeme za odvija-

nje takmičenja doprinijeli su da sve protekne bez problema. Od osam škola sa područja opštine Živinice, a na takmičenju su se pojavile ekipe sedam škola sa 47 takmičara od kojih su u konkurenkciji za plasman učestvovala 36 takmičara, obzirom da OŠ



Višća nije imala ekipu dječaka. Ukupno gledano postignuti su daleko lošiji rezultati od očekivanog. Naime nekada se sa opštine Živinice plasiralo za dalje takmičenje deset i više takmičara koji su ujedno i osvajali maksimalni broj bodova. Takođe nekada su i pokazani rezultati bili u vrhu ukupnih rezultata na području Kantona. Današnja situacija je daleko lošija. Ni jedan takmičar nije osvojio maksimalan broj bodova, a samo jedan dječak i jedna djevojčica plasirali su se za dalje tak-

mičenje i jedini su osvojili više od 90% potrebnih bodova. To je posebno vidljivo i u plasmanu škola, jer je najbolja škola osvojila tek 80% od ukupnog broja bodova. Za dalji tok takmičenja plasirali su se : **Davud Čokić** iz OŠ Đurđevik i **Lejla Tursunović** iz osnovne škole iz Šerića. Plasmani škola su sljedeći; prva je **OŠ Šerići** sa osvojenih 489 bodova, druga je Prva OŠ sa 465 bodova, dok je treća OŠ Gračanica sa 464 boda.



Čelić - OŠ Vražići



Nekako već duži vremenski period škola u Vražićima opredijelila se da буде domaćin saobraćajno

obrazovnog takmičenja za opština Čelić. Na ovogodišnjem takmičenju su uzele učešće sve tri

škole sa područja opštine sa 21 takmičarem i to 10 dječaka i 11 djevojčica, s tim da je posebno značajno da je broj članova saobraćajnih sekcija daleko veći i iznosi 30 članova.

Za razliku od dosadašnjih takmičenja postignuti su daleko bolji rezultati jer se do sad sa ovog takmičenja plasirao jedan ili nijedan takmičar a postignuti rezultati bili su skromni. U ovoj godini



to : Semina Ibrić, Šejla Šerifović i Amila Medić, a jedini plasirani dječak je Armin Fejzić. Najbolji ukupni rezultat postigla je OŠ Humci ispred OŠ Vražići i OŠ Čelić.



OVS ŠAMPIONAT BiH 2017 Ilijaš 2017

Prvo takmičenje ovogodišnje Šampionata BiH u ocjenskoj vožnji spretnosti održano je u terminu koji je bio nažalost neodgovarajući za većinu takmičara, jer je ova vrsta takmičenja uobičajeno svoju sezonu započinjala tek sredinom aprila. To je i uslovilo da se na takmičenju u Ilijašu od takmičara Tuzamk-a pojavio samo Sejfo Muhić koji je nažalost imao u drugoj vožnji kvar na motoru te nije bio u mogućnosti postići neki značajan rezultat. No i pored toga plasirao se kao prvi u klasi invalida, dok je u ukupnom plasmanu u klasi 1 bio sedmi. Tuzamk je kao ekipa obzirom na učešće samo jednog takmičara zauzela peto mjesto.



PRESS RELEASE UDRUŽENJA GRAĐANA TUZAMK TUZLA. TEKSTOVE I
FOTOGRAFIJE URADILI ČLANOVI SEKCIIJ UDRUŽENJA.
ŠTAMPA : SOREL TUZLA